

پازار ایرتسی فی ۶ ربیع الاخر ۱۳۳۰

وفی ۱۲ مارت ۱۳۲۸ سنه

|| جمعیت علمیہ اسلامیہ نیک ناشر افکاریدر ||

مدیر مسئول	سر محرر :	صاحب امتیاز :
مکتب قضاء معلم نندن	فاتح مجیز درس عامل نندن	فاتح مجیز درس عامل نندن
کلیسی	توقادلی	نصوح افندی زاده
منیر	مصطفی صبری	مصطفی عاصم

مندرجات

احمد شیرانی		المانیاده تدقیقات اسلامیہ جمعیتی
ابن الرحمی		چار یقوف مسئلہ سی
م . عاصف		مدنیت شرعیہ
ا . ح		ہپ احتراصات
حسن صبری		دین . علما
ظاهر المولوی		تاریخ اسلام
احمد شیرانی		الی حضرت ادیب عینتابی
عثمان نوری		بوکونکی موعظہ
		ادبیات
احمد وہبی		ترکیب بند
ع . ط		کمال نہ دیمکدر
		متفرقہ
بیطر طلبہ سندن		تکذیب

اعلان

نسخہ سی ۱ غروش

آبونہ اجرتی (ہوستہ اجرتیہ برابر در)

ممالک اجبیہ ایچون :
۱۳۰۰۰ فراقی
» ۶,۵۰۰

استانبول وولایات ایچون :
بر سنہ لکی ۵۰ غروش
آلتی ایلنی ۲۵ »

درج اولنیمان اوراق اعادہ ایلدر

قارئلر مزہ

اکثر مقالاتہ آیات کریمہ واحادیث نبویہ درج ایدلمش بولندیفی نظراعتبارہ آلہرق رعایتسزلکدہ بولنامہ سی درج اولنور .

[توسیع طباعت] محمد حلمی وشرکاسی عدلیہ خانی نومرو ۱۹

حسن نیت اوزره اولوب بو باده پک علوی همت بسلمش اولغله جناب حق نام عالیرینی تاقیمت یاد ایتدیرم جکدر .
مشارالیه حضرتلرند نصوکره اخلافی دخی بو شهراہ مستحسن و مستقیمه سالک اولهرق مقدا مالک اسلامیه ده تحداث ایش اولان احوال ظلمیه و استبدادیہی رفع وازاله ایدوب دیانت صحیحہ ، عدالت و حریت تامہ اوزره اجرا آتہ دوام و اقدام ایلدکلرندن آز زمان ظرفنده قوی الشکیمہ بر دولت وجودہ کتیرمکه موفق اولمشلردر . فقط ییلدیرم بایزید خان و اوغلنک زماننده قانون الہیہ ، اصول و وصیت مذکورہیہ رعایت ایتسوب بعض یواسزلقده بولندکلرندن تیموره اسیر دوشمک ، سلطنت سنیده اون برسنہ قدر فترت و فاصله وقوعه کلک کبی بلیہیہ دوچار اولمشلردر .

بعده سلطان مراد ، فاتح سلطان محمد ، سلطان بایزید . یاوز سلطان سلیم و قانونی سلطان سلیمان زمانلرنده اصول و وصیت سابقہ اوزره کمال جدیتله سلوک و اولدجہ شریعت غرای احمدیہیہ انقیاد و اطاعت ایلدکلرندن قوت و سطوتلری صوک درجہلرده ترقی و حکومتلری نہایت درجہ توسع ایدرک بحق جهانگیرک درجہ سنی احراز ایتمشلردی فقط سلیم ثانی دورندن اعتباراً قانون الہیہ اهمیت و یرمیرک اصول مذکورہیہ وجد اعلالرینک وصیتنه اعتنا ایتمیرک ظلم و اعتساف و استبدادہ ، فسق و سفاهت و هوای نفسانیہیہ انہماک ایتشلر و بناء علیہ عینلہ اودوردن اعتباراً قوت و سطوت حکومت تدنیہ باشلامش ، ظلم و استبداد فسق و سفاهت ترقی ایلدجہ سطوت و قوت حکومت تناقص ایش . مالک اسلامیه کوچله کوچله عبدالعزیز زماننده مقداری معین و معلوم اولان درجہیہ ایش . عبدالحمید دورنده ایسه قانون الہیہ انقیاد سزلق اصول و وصیت مذکورہیہ رعایت سزلک . ظلم ، استبداد . فسق و سفاهت ، کبی اجراءت . عرفی معاملات درجہ نہایہیہ و کالہ و اصل اولغله ارتق حکومت بوسبتون قوت و سطوتی ضایع ایدرک

تماماً انقراضه محکوم اولمش ایدی .

دور مشروطیت حلولندبری ده قانون الہیہ انقیاد ، اصول و وصایای مذکورہیہ اعتنا و اہتمام ایتمک و عینلہ حکومت مستبدہنک تعقیب ایش اولدیغی مسالک سقیم اوزره حرکت ایدلک و فضلہ اولهرقده ملت ارہ سندہ نفاق ، شقاق دین سزلک و اخلاق سزلک تکثیر و توسیعنه چالیشلق یوزندن حکومتک تدنی و انقراضه طوغری یووارلغنده اولدیغی عقول سلیمہ اربابنہ خفی اولسه کرکدر .
مابعدی وار
اسکلبی

محمد عاطف

—•••••—

ہپ احتراصات

وظیفہ صری یلمیورز

بتون مختص . مفترس اجانبک ملکمزی مقاسمہ ایچون حاضرلندقلری شو یکرمنجی عصر مظالم حصر فترتہ و طنمزک روحی حیاتی اولان سواحلی محافظہ ایتمک دوشمانک مہاجات مفترسانہ سنہ مقاومت ایلک انجق کوتلی بر دونمانک وجودینہ متوقف اولدیغی یوقسہ تہلکہ دن قورتلقی امکانک مفقود ایدوکتی درت سنہ دینری ارباب وقوف و حمت یانہ یاقیلہ ملتہ افہام و بونک وجودہ کتیرلمسیچون ابراز فداکاری ایدلسنی اخطار ایلدیکی و هرکس [وطن بزم جانم] شریقلریلہ حمت و محبت و طیبہ لری لفظاً اظهار ایتدکاری حالده تأسف صدہزار تأسفکہ مطلوب درجہ ده ابراز حمت ایدیلہمدی .

برسوزکہ قلبدن کایر ، جدی اولورسہ فعلاً تأید ایدر ، برقولکہ یالکز لسان سویلر ، لفظلہ انحصار ایلر . ایشہ بزم سوزومز ، بزم وعدمز ، یمینلرمز یالکز لفظلہ قالدی ؛ دوشمانلری ترکلرک ، عثمانلیرک محبت و حمت و طیبہ لرندن شہلرہ دوشوردی . حالبوکہ بتون ترکلرک عثمانلیرک و طنلری ، دولتلری حیاتلرندن زیادہ سودکاری

شئوناته ثابتدر . یوقسه زمان حسیاتمزی . اخلاقمزی
تبدیلی ایتدی؟ یاخود طمارلرمزده کی اجدادمز قانلری
تحولی ایلدی ؟

تمام درت سندهنری اعانه بخریه ایچون جانلی برتثبت
مشهود اولمادی شمعدی به قدر میدان کلان اعانات بخریه دن
ممالك اجنبیه دن کلان و بعضی مؤسسات و مبايعات دن حاصل
اولان بر چوق قسمی تفریق ایدیلیرسه بزم ویردیکمزه
مقدارینی لسان بیاندن حیا ایدر زیرا اوتوز ملیون عثمانلی
درت سنده پشیناً برزهرلی آله جق درجه ده بر غیرت
وفدا کارلقده بولنه مدی . ویل بزه . حیف بزه که هر سوز مزده
نقرات ایتدیکمزه حیت وطنیه هپ لفظده قالدی . ایشته
بو اهامال و اهامال ایله طرابلسی جنوارلر پارچه لندیردق
بتون آقدکزه سواحلی تخریب ایتدیریورز آذنه اولوردی .
بزمده قوتلی بردونماز اولسه یدی : قرده اولدینی کی
دکزدده دوشمانه میدان اوقوسه ایدی .

بز حالا — وطن بحرانلی نوبتلر ، حرارتلی همالر
ایچنده چیرپقیرکن منفعت شخصیه تأمین ، عزت نفسمزه
تطمینی ایچون مبعوث اولمق هوسیه هپ احتراصات شخصیه
ایله اوغراشیور ، اختلافلرله وقت کیریورز .

حالبوکه بزه وطنک دینک محافظه سیچون متحداً
مال و ثروتمزی بذل و جائمزی فدا ایتکی جناب حق امر
و فرمان بیوریور . شمعدی بزم وظیفه مز : هراشی اربابنه
براقق ، وطنی قورتارمق ایچون مطلقاً بتون ماملکمزی
ویردک دونماز بر حال تکمله کتیرمکدر ! زیرا مسائل
حاضره برقاندها اثبات ایتدیکه دونماسز وطنمزه . دینمزه
محافظه سی ممکن دکدر . وطن و دینک محافظه سی ایسه
اوزیمزه فرض قطعیدر . اولیه ایسه اللهک امرینه اطاعت
ایدهم : اللهده بزه معاونت ایتسون . اولجه مسلمانلر .
ترکلر اللهک امرینه اطاعت ایدروطن ایچون دین ایچون
بتون وارینی فدا ایلر و بتون عالمه غلبه ایدردی . اسلامیتک
ندایت انتشارنده ابراز اولنان فدا کارانک . حیتک اوند

برخی شمعدی اظهار ایتسه وطنمزی قورتارمغه کفایت
ایدر .

وطن دشمنلرک مردار ایاقلریله چیکنه نیرکن بویله
منفعت شخصیه تأمین اوغرند . احتیاطلر احداث ایتک
پارلرمزی دمیرقاصه لرده صاقلامق . وطنک بخش ایتدیک
نعمتلرله یالکزه نفسمزی اعزاز و اکرام ایتک مستترخاً
یاقوب اویومق اسلامیتک . عثمانلیلک شاننه یقشماز .

مسلمانانک . ترککلک . عثمانلیلک مزیتی . شانی
یا وطنی قورتارمق یا اونکله برلکده اولمکدر .

عصر سعادت حضرت رسالتینماهیده بعد الهجره شامده
قیصر روم طرفدن اسلام علیه یوریمک اوزره ترتیبات
اجرا اولمسنه قارشی مدینه منوره ده برارده ترتیبه مباشرت
اولمشدی اغنیانک عسکره اعانه ایتلری طرف ذیشرف
حضرت پیغمبریدن فرمان بیوراسی اوزرینه بتون مدینه
خالق اردونک ملبوسات . مأکولات ، مالزمه سنی تأمین
و مقصدیه بذل ماله شتاب ایتدیلر حتی قادیلر باجمده حایاتلرینی
دخی عسکره هبه ایتشلردی . حضرت عثمان رضی الله عنه
اوچیوزدوده یوک ذخیره و یوک اتون و برمش و ابوبکر رضی الله
عنه حضرت تلریده ماک اولدینی اموال و نفوذ و اشیانک جمله سنی
بر اوغورده صرف ایدرک تلبس ایدمکک البیسه سنی بیه
براقامشدی هرکون شرف ملاقاتله مشرف اولمق معنادی
ایکن البیسه سی اولدیغندن کونلرله طیشاری حقیقه میوب حضرت
فیخر کائناته متحسر قلدینی جهته حضرت فاضله رضی الله عنه
طرفندن کوندریلان عبا ای اکتسا ایدرک خورم یار قلیله
اتکلرینی باغلا یوب حضور پیغمبریده بوندی صیرده
جبرائیل علیه السلام عین طر زده خورم یار قلیله بغلامش
بر عبا ایله نازل اولوب بوتون لاعوتیانک حضرت بو بکرک
دین و وطنه بو فدا کارلغنی تقدیر و تحسین ایتدیکرندن بویله
عبا ایله تلبس و زین ایتدیکرینی و جناب حقت مشرایه
حضرت لرندن دین و عسکر اسلام ایچون ابراز بیوردی
فدا کارلقدن ولای راضی اولدینی تبلیغ و تبشیر بیورمشدر .
ایشته حیت بویله اولور . ایشته دین و وطن بویله سویلیر .

ایسته جناب حق رضاسی بویه تحصیل اولور ، ایشته دنیانک آخرتک سرفی بویه اکتساب ایدیلر سوز ایله دکل .

ایسته اسلامیتک ، ملتک وظیفه سی بودر . نه ایچون وظیفه مزری بیلیمورزینه تکرار ایدر که دینه وطنه مللری جانمزی فدا ایتک بزه فرسدر . زیرا دین ، وطن اللهکدر . دینه وطنه معاونت ، اللهه نصرتدر (ولینصرن الله من ینصره) اللهه نصرت ایدیکز که اللهده سزه نصرت ایتسون بیوریلور . بز نیچون نصرت ایتیمورز ، بز نیچون مللری بذل ایلیمورز وطن بوکون ملتک بذل مال ایتسنه مفتقدردر . ایشته بزم وظیفه مزده مللری فدا ایتکدر . نه ایچون وظیفه مزری بیلیمورز ؟

هله بوکونلر ده وظیفه مزروحمز ، حیامتز اولان دوننامز بتون بتون اونودلدی . اوللری برقاق آی بو بولده جریان ایدن غلیان افکار هوسات طفلانه کبی محو اولدی سوندی کیتدی . شمدی اورته یه چیقان انتخاب مسئله سی هرکسک احتراصات شخصیه سی تحریک ایدر که هرشی اونوتدیردی . هرکس بر حیت سوزله نامزدلک وضع ایدر که وکندینی موافق مخالف بر قوته استناد ایتدیردیر که بتون موجودیتی صرف ایله کیجه و کوندوز چالشمنه دیکر لرینی انتخاب ایتدیر مامک ایچون حیله لر ، تشبث ایدیور بر ملتک ناظم و مریئ افکاری مطبوعات اولقی لازم کلیرکن مطبوعاتده وظیفه سی اونوتدی هفته ده درلو ناملر آلتنده انتشار ایدن یوزلرجه جرائد - بر مساک مخصوص طوتان ، بر طریق مستقیم تعقیب ایدن بعض جرائد و رسائل دینه مستثنا - فرقه مجادلاتیه شونی بونی ذم و دشنامله اشتغال وبتون ستون و سطوری احتراصاته املا ایلور .

شمدیکی محررلردن بریمی بوندن اونسنه اول ثروت فنونک بر نسخهنده دیوردیکه [غزته بر تجارت ایشیدر ، بر (سپه کولاسیون) در] اوت دیدیکی کبی اولدی . فتحت تهاکده بولنان وطنی دینی اونودوبده ملته تلغین وظیفه

ایتموبده بویه افراد ملنی ذم ایله ، دشنام ایله بر برینه دوشمان ایتک : آرمیه اونودلماز ترقه لر ، اختلافلر کیرمسنه سبب اولق وطنه خیانتدر .

یاربی بوملته مطبوعاتنه وارنجه یه قدر احتراصات شخصیه ایله بوغلوب کیتکم مقدر میدر ؟ زیرا هپ احتراصات ! وظیفه مزری بیلیمورز . اللهم اصالح اخلاق المؤمنین ، اللهم احفظ اوطان المسلمین .

ذیله ده

یوزغالدی دیوانلی زاده

۱ . حمدی

تاریخ اسلام صحائفندن

شام فتوحاتی

مابعد

الده ایتدیکی قالقانله تحفظ ایلیر که آتدینی هراوقله مطلقا بر دشمنی یره دوشور و یوردی .

ایمپراطورک دامادی توما ، نامه منسوب اولان قاپینک اوستنده کی بر جک اوزر دنده طور یور ، اوکندده مرصع بر صلیب طوتولیوردی .

آبانک زوجه سی طرفندن آتیلان بر اوق ، صلیبی طوتان رومه اصابت ایتدیکی جهته حریف بر جک ایچنه ییقیلدی ، صلیب مرصع ده ایادی مسلمینه کچمک اوزره یره دوشدی .

توما ، صلیب اعظمک متنکساً سقوطنی کورونجه :

— صلیبک بنم المدن آلتدینی ایمپراطور طویارسه بر نه یاپارم ؟ بویه بر عار آلتنده یاشامقدنسه اولمک اولادر . دیهرک قیلنجی چکدی و :

— ایسته ین نمله کسین ، دینه ین یرنده طورسون .

نداسیله قاپنی آچدیروب دیشاری قیرلادی . معیتی ده کندیسینی تعقیب ایدر که اوراده بولوتان مجاهدین اسلامه